

12

366
incomplete

CHANSON COMPOSET

Var sujet eun Den yaouank ag e Vam ag e beder Mestres

ER BLOAVEZ MIL NAO C'HANT TRI

(Var eun ton nevez)

A boe ' noad a dri bla
Me oa mamet minor
C'hoant a meus da ziskleria
Eul loden deus ma sor.

C'hoant meus da zisklêria
Darn demeus ma bue
P'hini meus tremenet
Bete an de a c'hirie.

Gant an derrien a gredan
O oa marved va zad
Ma mam a chom intanvez
C'hi devoa kalonnad.

Pa chom e intanvez
Gant e seiz krouadur
He c'halon voa feblisset
Gant an displijadur.

Seiz minor chome gant hi
Deus ar re yaouanka
Ar c'hossa oa unneg vloa
Me na oan nemet tri bla.

D'ar c'houlz e me oa yaouank
Bian em jagkeden
Allas me na ouien ket
Petra ma da dremen.

Deus ar beure pa saven
Me mije kalonnad
Pa deue da sonj din
E oa maro ma zad.

Mes va mam leun a gourach
Onnes am c'honsole
Hi a lare din bemde
Mije eur brago neve.

Gred oa din eur brago
O oa gret gant lien
Evel ma oa ar c'his
Guechall gant ar bevien.

Guisket ma ma brago
Ed a oan da bourmen
Ed a oan da guinaoua
Da dy n'ammezeien.

Bed a ma guenneien
Bed a ma avalo
Tout an dud lare din
A oa drol ma brago.

Hennes oa eur brago
Nan na oa ket gret propr
Un anter demeus e fons
A oa laket arok.

Ar brago se oa gret
Din, gant ma c'hoar kossa
Ne oa ket kemeneres
Oue ket a dailla.

Mes pa oan deut en noad
Da roula ar iaouankis
Me a ma bet eur brago
Ag a oa deus ar c'his.

Neuze me e bate
Kemerre plijadur
Ma zud a oa demeeet
Et gant o avantur.

Demeet oa ma dri breur
Demeet ma diou c'hoar
Eur breu al chome ganen
Da labourat douar.

Om daou chomomp gant om mam
Da serc'hel e menach
Emesk al labour, ar boan,
An tempas ag an norach.

Aben eur pennad goude
Oan skouisset o labourat
Rag onnes so eur vicher
Ne oa ket deus ma grad.

Ma sonjet voeaji
A mont kuit deus ar guer
Ag a rajen ma fortun
Ebars em ber amzer.

Ne oan ket bet er skol
Ma ket a siskamant
Ag an draze a re din
Eun tam diazament.

Prenet ma eur c'haier
Ag eul leurric bian
Ma disket skriva a len
A c'hanoun va unan.

Raktal en eun instant
A oa deut em spered
Ma c'hajen da veaji
E tiskjen ar gallek.

Ouijen skriva a len
A gout an daou langagh
A gonit ma fortun
Se zo eun avantach.

Va mam pa deus klevet
Hi a lare dime
Petra emei ma buguel
Petra a sonjes te.

Me meus dioerred da dad
Savet seiz krouadur
Te a c'he ma yaouanka
Te ra ma flijadur.

Mar kes er maes ar vro
A dilesel ar guer
Me vo oblijet neuze
Da verza ma mobilier.

A goude kemesse
Da beleac'h a c'hinme
Vint toled a distoled
D'an eil ti d'éguille.

Chom ganen tre ma vin beo
Doue roio did chans
D'ober afferiou mad
Goude en abundans.

Pa meus klevet va mam
Gant e c'homzo agreabl
E striukas an dero
Demeus va daou lagad.

Me o chans a santimant
O sonjal chom ganti
A goude vije maro
C'hajen da voeaji.

Va mam oa arri koz
Alies vije klanv
Bet a deus eur c'hlevet hir
Eunek pe daouzek vloa.

Aben daouzek vla goude
Ma mam deu da vervel
Gras ma mam er barados
Er joayo eternal.

Ma breudeur, ma c'hoarezed
Neuze deuas d'ar guer ;
Da c'houlen o fartach
Demeus ar mobilier.

Guersed oa ar mobilier
Partajet an arc'hant
A pebhini gant e lod
Renke bea kontant.

Eur breur al ma er guer
Asambles ganeme

Ag henes oa demee
Aben eur mis goude.

A me o sonjal neuze
Pa oan c'hoas pot yaouank
Ma rajen eur marc'hadour
E c'honejen arc'hant.

Bet on marc'hadour fao
Marc'hadour pabioles
A marc'hadour pis glaz
Marc'hadour patates.

Marc'hadour avalo
A marc'hadour boësson
Anvet oan pot ar gist mad
Bars en ker Lannion.

Marc'hadour kos dillat
So hanvet flipiri
Onnes so 'r vicher vad
Neb a oar anezi.

An neb a bren marc'hat mad
A goude guerza ker
Enes ra e fortun
Ebars en ber amzer.

Bet on marc'hadour koat
Marc'hadour plous pe golo
Marc'hadour lunedo
A marc'hadour moncho.

Marc'hadour tolenno
Kartenno, monaiter
A chansonnio a c'enzen
Ia, pa mije amzer.

Marc'hadour bric a brac
So anvet merseri
A pa vije hir an nos
Me a rê komedi.

Oeajet meus Bretagn
En ker a var ar mes
Gant ma vilosiped
A ma marc'hadourez.

Ve se on deut aben
Da c'hout ma fortun
En eur lezel ar boësson,
Ar merc'het hag ar buntan.

Neb a neuz è c'homposet
So e ano Jean-Louis
A zo gannet e Pleslin
Kichen Toul-ar-Hiry.

E ano pen da ben
E Jean-Louis Guyader
A ra e zemenranç fix
En paros Treduder.

Breman e neus choajet
Eur vicher ar vrava
Pa ve skuis o labourad
A chom da ziskuiza.

Ones so eur vicher
Ag am gra disourci
Vank din met eur Varijeann
Kontant da zemezi.

Peder mestres a meus bet
A oa deus a Dreguer
Mes iaoankic a oant c'hoas
Ouint ket o micher.

Mes iaoouankic a oant c'hoas
Ouint ket ho micher
C'heink gant losten o c'hivis
Da disken ar goter.

Un a ne so Perrinic
Ag eben Mari-Jeann
Unan al so Mari-Louis
Ag eben Mariann.

Na c'houlan ket disklèria
Piou a c'he ar reze
Un anhe a meus klêvet
A stote ne guele.

Ag unan al anheze
A blije din er fad
Ag ones a mije bet
Peneverte e zad.

An diou al a meus klêvet
A blije dê guinardant
Se zo kos din c'hon chommet
C'hon chomet pot yaouank.

GUYADER Jean-Louis.